

瑤

華

集

瑤華集卷一

十六字令 一首

明月斜 一首

二十字令 一首

醉粧詞 一首

南歌子 溫助教體
七首

三臺令 四首

南歌子 張舍人體
三首

花非花 二首

摘得新 一首

桂殿秋 一首

搗練子 四首

赤棗子 一首

瀟湘神 一首

望江南 四十首

南鄉子 歐陽舍人體
八首

漁父 一首

南鄉子 歐陽舍人第二體
五首

楊柳枝 二十二首

阿那曲 一首

小秦王 三首

剪半 一首

法駕導引 一首

憶王孫 六首

一葉落 一首

轉應曲 一首

遐方怨 溫飛卿體一首

如夢令 平仄二體八首

甘草子 四首

訴衷情 二首

西溪子 牛給事體一首

無夢令 一首

思帝鄉 韋相體一首

風流子 孫少監體一首

天仙子 皇甫先輩體一首

思佳客 一首

歸自謠 五首

西溪子 毛司徒體二首

江城子 牛給事體一首

定西番 一首

長相思 四首

相見懽 五首

烏夜啼 一首

河滿子 一首

醉太平 一首

長命女 一首

柳枝 一首

昭君怨 三首

醉公子 顧太尉體
三首

生查子 七首

酒泉子 毛尚書體
一首

春光好 和學士體
一首

太平時 一首

十六字令

簾外

朱彝尊

尋簾外分明墜玉簪。籠燈覓休待落花深。

明月斜

宮怨

李天馥

莫難屏明離帳簫局香微懶未添曲瓊欲挂流蘇漾
二十字令

無題

毛先舒

年歲淺深深學画睂瞥然手把綠楊枝弄游絲真癡
醉粧詞

閨意

田茂遇

東邊去西邊去只是畱難住送君處迎君處記取離亭

南歌子

溫助教體

閨情

毛奇齡

高屨宜牆窄。長裙愛襖多。風起動江波。隔江風更急。奈裙何。

古意

茜染牆頭草。烏飛陌上桑。三十侍中郎。自矜拖紫綬。茜花香。

又

鐵鑊生梁子。銅樞種棗花。楊柳正藏鴉。閉門春晝靜。是誰家。

閨怨

周積賢

細織鴛鴦錦新粧蝴蝶釵還約沈郎來小屏風影動牡丹開

前題

吳棠禎

剪起鴛鴦枕傳來蛺蝶圖催綉有鄰姑玉闌書未去沒工夫

閨晚

沈豐垣

浴罷明肌雪粧殘暉髻鴉嬌怯欲扶花花枝扶不得倚風斜

無題

毛遠公

玉露溥秋草金鐙拂夜花牆外早棲鴉不知天上月照誰家

三臺令

鄴下三臺

王士祿

落日烏啼影閑春風鼠竄苔斑。只有千年舊瓦曾覆當時玉顏。

無題

陸進

金井蟬嘶悟葉銀塘鴨睡萍花秋色滿庭如繡人語煙中碧紗

閨情

沈蓀年

揚州楊花自落江州江水長流。流水落花一處郎君莫去他州。

又

白蘋池邊夜雨紅蓮浦上秋風。一年幾度惆悵不恨郎來恨儂。

南歌子

張舍人體

春閨

周積賢

玉篆沉鳬末金鋪小鳳斜。杜娘無力繡春紗。閒何綠萍池畔數桃花。

前題

顧有年

寂寂梨花冷
茫茫柳絮吹
鎖窗人倦怕鶯啼
一朶香雲堆枕溜
釵兒

前題

牛 負

玉漏聲催盡
銀河影轉低
子規啼歇鷓鴣啼
料得今宵無夢向關西

花非花

古意

計南陽

同心花合歡樹
四更風五更雨
画睂山上鷓鴣啼
画睂山下郎君去

無題

李天馥

桐鳳殘鐵鳳曙。爲檀郎添檀炷。杜鵑枝上月。初來杜鵑聲裏。人將去。

摘得新

春恨

史惟圓

繞花枝。鶯兒和燕兒。園林春晝永。故飛遲。訴盡春愁千萬語。有誰知。

桂殿秋

無題

朱彝尊

思往事。渡江干。青蛾低映越山看。共眠一舸聽秋雨。小簾輕衾各自寒。

搗練子

閨情

李天馥

橫却月罷勻霞細。燕輕煙護絳紗。窗外画眉啼不住。一簾紅雨墜榴花。

前題

朱彝尊

煙嫋嫋雨綿綿。花外東風冷杜鵑。獨上小樓人不見。斷腸春色又今年。

聽雨

黃鴻

風點點雨絲絲。攪亂芭蕉和竹枝。隔箇窗兒聽不得。淒涼又是點燈時。

卽事

周禹吉

青雀舫錦雲帆。小泊河橋酒半酣。人在煙波雲水外。杏花風雨溼春衫。

赤棗子

無題

成德

聽夜雨護朝眠。端的嬌慵也自憐。寄語釀花風日好。綠窗來看上琴絃。

瀟湘神

本意

史鑑宗

瀟水清。湘水清。波碧蘭紅路杳冥。賽鼓無聲秋笛夜。一

林楓葉半江青

望江南

本意

吳偉業

江南好。茶館客分棚。走馬布簾開瓦肆。博羊餠鼓賣山亭。傀儡弄參軍。

又

江南好。狎客阿儂喬。趙鬼挪揄工調笑。郭尖獍巧善謳嘲。幡綽小兒曹。

憶舊

陳子龍

思往事。花月正朦朧。玉燕斜飛雲鬢上。金猊香燼画屏

中半醉倚輕紅。

閨詞

趙進美

風乍急簾額動雙犀。細雨擁衾紅浪縐。濃香消枕翠痕低。無語聽潮雞。

又

殘睡醒香夢滯衾窩。睂翠欲添腰倦倚。額黃初正手重呵。寒日半窗過。

消暑

曹爾堪

無箇事吹送鯉魚風。藥圃農岐收鵲蝨。花陰鄰楚笑雞蟲。我自倒郵筒。

又

無箇事謝客當溪山。橘刺渾如鷹爪快。苔錢都作鹿皮鞋。衰病此林間。

又

無箇事閑煞玉人簫。西楚戰場烏啄骨。南村漁舍草齊腰。忽忽六時消。

白門漫興

丁澎

閒游冶竄是豔陽時。烏巷諸郎蘭槳後。青溪小妹竹燈祠。隊隊使人疑。

又

白楊渡枝上有提壺。宋苑梧桐梁苑雨。冶城秋月石城
烏。往事且模糊。

又

橫塘去紅杏驛邊亭。估客長鬚牽馬渡。吳儂細語隔船
聽。那不動鄉情。

臨鏡

李天馥

菱花瑩影語盡凝眸。學我睂稜常帶恨。惟他心內獨無
愁。欲斂又還休。

春日

園林好晴日。暖生煙。遶砌香肪。松擁葢。過垣纖籜。笋行

鞭正是賞花天

暑月閒居

錢繼章

無箇事倚檻掬流泉。麋綠几鋪銀蕤簾。澄泥硯寫碧苔。
牋索箇解人憐。

又

無箇事曳杖出谿坳。柳市說書錢入掌。槐陰狙戲玉圍。
腰一笑捲離騷。

前題

錢棻

無箇事涼月半鉤時。倩女魂消依碧沼。游仙夢熟枕青。
菱風拆藕絲絲。

燈市

何采

燈市好白兔共青麈翠羽巧梳金絡索錦鱗戲啜碧玻
瓈五百鬪坊雞。

又

燈市好瞽伎唱儂儂絕代寇沙傾一國當年顧柳嫁三
公舊院種新蔥。

歸思

毛奇齡

歸去好長聽子規啼紅藕城橋風脉脉黃梅江閣雨淒
淒愁思望中迷。

又

風景好荻葉滿橫塘碧帶幃頭騎馬客紅釘屐子攏船
娘兩兩見鴛鴦

送人

張台柱

船上去恨殺是東風吹去錦帆看漸小茫茫春色太湖
東斜日淡煙紅

初夏

許大就

江南憶蠶柳兩眠時第二泉烹新廟後初三月挂杜鵑
枝景物最相思

春閨

潘雲赤

春睡重強起沒心情誰見綠雲堆繡枕自看紅日上銀

屏啼煞隔花鶯。

新浴

俞士彪

新浴罷強把髻鬟梳。紅雨一簾花結子。綠陰滿院燕將雛。辜負碧紗幮。

咏史

郁大本

興亡事提起一般愁。十客彩箋燒燭宴。六宮清夜選箏游。贏得是風流。

建業

計善

臺城柳依舊鎖春風。馬去綠莎迷晉渡。燕來芳草沒吳宮。山寺夕陽紅。

癸亥長安踏燈詞十三首

蔣景祁

春燈好火樹爛銀花照入千門金殿迥迎來一道玉輪
斜指點是星槎。

又

春燈好別觀起飛廉月下九枝銀燕舞雲中雙闕燭龍
銜烘色上衣衫。

又

春燈好廣樂許傳觀瑞靄網縕霏帳幄碧天珠斗正闌
干雜部進新攢。

又

春燈好豔事說皇都。戚里矜誇絲步障。豪門重疊繡攔。
毬。眼底算來無。

又

春燈好促隊趁風流。海子橋邊歇細馬。火蛾光裏簇花
毬。年小富平侯。

又

春燈好夜市走傾城。綠眼摩挲何太甚。錦紋韜裏不知
名。賣卜問君平。

又

春燈好晚色太迷離。多事舞場催鮑老。轉翻法曲譜龜
龜。

茲新喜夜郎歸

又

春燈好九陌遍三條銅狄五更淒霧露金吾千騎罷巡
遊深夜玉河橋

又

春燈好詩謎巧迷藏小部羽林弛鎧仗閒來都肆費評
商爭取博梟強

又

春燈好計吏拜龍顏列郡車書同輻輳六街煙景望闌
珊天上與人間

又

春燈好香霧撲人醒。金犢沉沉流大道。銅龍隱隱落晨星。曙色辨空青。

又

春燈好何處足逢迎。綠幘諸郎工傅粉。鈿釵別院好堆綰。依約見紅檠。

又

春燈好兩載帝城諳。春水泮時春鳥哢。梅花香點雪花龕。此夜夢江南。

閨情

閨秀

秦清芬

人靜也。獨自怯憑闌。戲剝瓜仁排梵字。閒將殘底印連環。無事上睂彎。

南鄉子

歐陽舍人體

本意

沈藂年

鬢影香紅。背人斜立小屏風。海燕歸時春露墜。花碎飛上雕梁。成一對。

前題

吳棠楨

天斷江空。荔枝新熟瘴煙紅。昨歲五羊城下去。沙渚一雙鵲。鵲梳翠羽。

花朝

李振宜

曉霧如煙輕寒細雨奈何天紅杏枝頭鶯對語飛去昨夜玉人春夢處

春郊

田茂遇

細草平沙行春緩緩七香車翠羽雙雙花外起花裏倒影紅樓斜照水

廣州詞

毛奇齡

盧橘催酸風生萋葉瘴煙寒自賣明珠歸極浦心苦縹氍毹衫着秋雨

別意

朱彝尊

拜客庭陰眼波容易逗人心縱得相逢無一語臨去影

滑落花黏不住。

江南

史鑑宗

江雨江雲，山川不減帝鄉春。試望廣陵南下路。瓜步。數點金焦揚子渡。

又

風月吳儂。綠楊門巷小橋通。一葉蘭舟隨處艤。煙裏落。日樓臺。歌管起。

漁父

本意

吳 究

千頃蒹葭一釣翁。家居南浦小橋東。桃花水。鯉魚風。短

笛橫吹細雨中。

南鄉子 歐陽舍人第二體

本意

毛遠公

綠髻堆雲。茱萸繡領荔枝裙。雨後濃花如血色。纖手摘。
画屨高牆行不得。

又

錦幙流蘇。珊瑚枕上七星圖。銀杏枝頭烏雀開。東方曉。
貪睡翻疑紅日早。

城南

曹溶

草繡千堤。東南日出照相思。流水平橋寒似玉。桃花曲。

兩兩春禽時對浴

卽事

田茂遇

花溼鶯唇小風壓麥浪鱗鱗西去青青官柳路扁朱戶
一任啼紅催日暮

廣州詞

毛奇齡

賽起祠叢木綿花發野椒紅記得丁郎山下路敲銅鼓
九子紅羅扇遮舞

楊柳枝

本意

王士禛

鴛鴦湖上水漪漪黃入東風柳漸垂湖裏鴛鴦湖畔柳

送儂歸處足儂思。

趙北口

湖光如鏡復如酥。柳色迢迢入大沽。亭午銀魚風漸小。
一帆春水到蠡吾。

又

樓船彷彿似江南。纜剪溪藤蜀扇帆。飛花相送向何處。
柳外官橋黃布帘。

東粵竹枝

珠娘十五嫁珠兒。住近珠江江水湄。江水有情還炤妾。
江花無計可畱伊。

柳枝詞

嚴繩孫

拂水拖煙已不禁。誰堪繫馬鳳城陰。
東風一報三眠後。十二玉樓深更深。

又

不分靈和復求豐。最無情思月明中。
綠窗人去東風惡。獨向閒堦掃落紅。

又

莫到燕臺又詠詩。長條空解結相思。
一池風約前裙水。腸斷雙鬟抱立時。

又

雷塘南下最紛紛。画得長看亦是君。一自錦帆零落後，
春風何處不離群。

又

爲有離愁不自聊。落花微雨罷吹簫。紅泥亭外鶯聲裏，
數遍輕帆第幾橋。

又

休攀金縷惜殘春。惟賴紅橋舊病身。記得蘭舟回首望，
綠陰陰下倚樓人。

又

亂絲飛絮困人天。莫爲閒愁損少年。人世無情誰更侶，

私書密訂黃昏後。欲寄郎時轉。自慙記取獸環金屈戌。
春暉堂北小池南。

舟前落花

閨秀

王璐卿

青草河頭花正妍。綠莎汀畔水連天。輕舟載得春多少。
無數輕紅画槳邊。

薔薇

吳沄

粉牆高處遍薔薇。爛熳紅英暎夕暉。月下朦朧疑覆錦。
賺郎收拾刺郎衣。

剪半

無題

毛奇齡

光宅坊前十字街。桃子花開杏子花開。鈿頭櫟子有人猜。恐是銅釵不是金釵。

法駕導引

補赤城韓夫人九首之一

錢芳標

天雞唱天雞唱。榆桂曉朧臃。寂寂瓊樓寒未啓。沈郎新贅翠微宮。鳳睡紫煙中。

憶王孫

春曉

夏完淳

斜捲珠簾翠袖垂。曉月重樓人未歸。檀板紅牙懶画眉。影徘徊。一種東風幾樣吹。

寒夜

吳綺

昨宵凍合水晶宮。鸚鵡嫌寒罵玉籠。鴛鴦錦衾窩曉起慵。
小窗封雪在山茶樹上紅。

春望

李天馥

妒春良夜愛春朝。花外紅樓捲絳綃。極目香塵舊板橋。
路遙遙。不見歸鞍見桺條。

夜汎鑑湖

朱彝尊

天邊新月兩頭纖。鏡裏青山萬點尖。小棹舄筵不用簾。
夜厭厭。漸覺微風衣上添。

又

黃蘆紅蓼白蘋洲。一水東西南北流。舊日秋娘尚在不。
石橋頭。柳外斜陽花外樓。

秋思

閨秀 吳 綃

寒砧風急擣衣秋。木落聲中人倚樓。月午涼陰滿地愁。
夢悠悠。一夜江南千里舟。

一葉落

無題

朱彝尊

淚眼注臨當去。此際欲住已難住。下樓復上樓。樓頭風
吹雨。風吹雨。草草離人語。

轉應曲

雜感

余懷

駿馬駿馬繫向綠楊陰下。舞衫歌袖。郎當乳燕鳴鳩。晝
長長。晝長。晝人在水晶屏後。

遐方怨

溫飛卿體

閨情

沈袞年

月又起。漏初長。遙指河關千里。相思空斷腸。坐聞孤雁
更南翔。流黃絲盡也。碎鴛鴦。

如夢令

平仄二體

橫塘

朱彝尊

橫塘斜日照。屏松釵柳帶。依依猶記石橋下。綠陰小舫

催歸花飛花飛。獨自水上瀟衣。

豔體

陳子龍

紅燭逢迎何處笑。倚玉人私語。莫上軟金鈎。畱取水沉濃霧。難去難去。門外尺深花雨。

和湘真詞

宋徵輿

昨夜景陽鐘動。雙井碧梧煙重。啼盡白門烏。依舊秦淮月湧。如夢如夢。總被一江潮送。

前題

計南陽

長樂晨鐘初動。睡熟紫綃嬌鳳。翠輦一時移。千騎紅粧雲擁。如夢如夢。城上烏啼相送。

金陵感舊

吳綺

楊柳白門春樹。燕子滿城風絮。看盡六朝花。人在畫樓。
深處煙雨。煙雨蕭瑟。江關如許。

送杜湘草渡江

胡介

漠漠離亭官渡。泯泯落紅飛絮。惘惘過江南。寂寂山河。
非故休去。休去處處歌殘。玉樹。

秋宵

閨秀賀潔

寶鳳斜飛慵整。一種閒愁誰省。紅壓小闌干。扶住一枝。
花影。花影花影。淚眼且看秋景。

閨憶

沈宜脩

宛君

殘月斜窺簾色。香燼夢回難覓。正是斷腸時。禁得許多相憶。岑寂。岑寂。雁唳一聲寒碧。

甘草子

味草

曹溶

王孫一去寂無踪。和煙碧影連空。幾番微雨又微風。南陌總朦朧。荒亭古長伴落花紅。

閨情

毛奇齡

銀牀金井曉啼鴉。簾額上襯紅霞。同心梔子夜開花。和露折來斜。無好意。送與謝娘家。

前題

吳棠禎

珠絡青驄美少年。紫陌上。墮珊鞭。十六吳姬學數錢。低首笑嫣然。將進酒。未敢近郎前。

無題

毛遠公

青銅鏡子溼銀光。勻面了。罷朝粧。細拈金縷壓鶯黃。繡出一雙雙。心裏事。誰與寄檀郎。

訴衷情

蘇小墓

牛 負

寶馬香車何處去。斷橋邊。環珮散。惆悵落花前。蝴蝶舞寒煙。翩翩松枝似昔年。可人憐。

記得

朱彝尊

記得鈎簾。夜起小庭中。人不語。豆葉響秋蟲。月底粉光融。弓弓鎖蓮。雙瓣紅。滿衣風。

西溪子

牛給事體

荷花

張台柱

誰把紅霞剪碎。零亂秋波影裏。倚風前。渾欲語。相認處。又隔輕煙一縷。暗香中。月濛濛。

無夢令

飛花

朱彝尊

魚浪飄香千點。燕尾分煙一剪。已自出墻東。又被輕風吹轉。輕風吹轉。剛逗卷簾人面。

思帝鄉

韋相體

幽期

張台柱

問歡期。含羞無一辭。擲箇彩牋方勝與郎知。明夜酒闌人靜月斜時。獨立花陰下。扣釵兒。

風流子

孫少監體

題李箕山画

錢芳標

薛荔洞門千尺舩。艣波心一隻松。作蓋石鈎衣藏箇山腰小宅。行客誰識。莫是百花潭側。

天仙子

皇甫先輩體

閨情

朱彝尊

鴉翅雙盤垂秀領。翠羅衣薄風難定。全身都被月華窺。
天上影。波底映。却似曉粧前後鏡。

思佳客

和和叔韻

陳枋

過雨水漸入。好春常半睡。眼開泉脉沉身淚。軟語勸餐。
金枕倚。一盼迴橫波。強坐扶難起。

歸自謠

春閨

梁清標

春夢詫零落。亂紅花賣罷。游絲飛絮春歸乍。欲畱無
計。看慵画簾鉤。亞鶯兒苦把東風罵。

秋夜

柯聶

秋樹下月耿林椒觀奕罷
柳煙深處魚簪挂
晚波蘸碧層層瀉
無人回板橋一線溪痕跨

無題

錢芳標

歌緩緩誰喚沈妍和薛滿
一雙九髻吹鵝管
枇杷樹底紅螺盃
休辭懶草裯翠勒春寒短

寒食

吳綺

一百五多少龍蛇原上土
棠梨風惡紅無主
朝來寂寞輕煙縷
垂楊舞鞦韆挂在鶯啼處

寫懷

余懷

今日雪。獨對春山情脉脉。琵琶撥盡傷頭白。孤舟何事青衫溼。歸不得。溫柔鄉裏他鄉客。

西溪子

毛司徒體

本意

丁 澎

茅屋溪頭霜早。占得清光多少。小橋邊。楓一樹。鷗一渚。與汝平分秋雨。黃葉可前村。問漁人。

閨怨

毛奇齡

基底紅編履子。低撒砑羅如水。夜深時。重解袂。重束袂。坐久欲填還脫。忽見月如鉤。使人愁。

江城子

牛給事體

秋夜

沈豐垣

西風蕭颯做殘秋。動簾鉤。冷颼颼。兩點睂兒。藏得許多愁。縱使儂如清夜月。能幾度。到粧樓。

定西番

無題

蔣平階

嶺外暮雲千尺秋。草白晚花黃。雁南翔。明月渡頭行客。雨餘歸路長。高捲半帆魚浪。趁斜陽。

長相思

和其年贈楊枝

龔鼎孳

倒芳卮。訴芳卮。縱不相憐也莫辭。歡多那易離。惱楊

枝惜楊枝對此青青我鬢絲腰肢問小時。

採花

丁 澎

郎採花。妾採花。郎指堦前姊妹花。道儂強似他。紅薇
花白薇花。一樹開來兩樣花。勸郎莫似他。

無題

蔣平階

吳山東越山東山外江湖一派通。煙波隔萬重。來匆
匆去匆匆。夜半星光夜半風。相逢如夢中。

遣悶

湯思孝

影清清思昏昏無處安心足漫行。出門復入門。怯星
星瘦生生空倚雙眸數漏聲。一更還一更。

相見懽

春閨

萬錦雯

新來燕子呢喃睡難酣。又被鄰姑催起着春衫。嬌欲
顛行還倦笑相攙。同上小樓間。倚望歸帆。

吳興感事

吳綺

西風落日登臺眼。重開無數遶城山。色送青來。今古
事吳越。地幾雄才。一片項王馬埒亂山堆。

越中感懷

張綱孫

扁舟又渡江東。正西風舊日越王棲處。草連空。興亡
事千年裏。恨無窮。偏是若耶溪畔。蓼花紅。

閨情

周積賢

與誰同倚銀屏。月初明。說到別時離恨。一聲聲。歸不去。人何處。意難憑。又是半簾微雨。落空庭。

初秋

吳儀一

梧桐一葉風吹。晚涼時。獨立明河影下。看星移。何限恨。渾難問。有天知。手撚青團扇子。撲螢兒。

烏夜啼

過棗陽

吳儀一

板橋落日微明。酒旗橫。匹馬西風馳過。棗陽城。雙檣樹。無人處。作龍鳴。回首暮雲蔥鬱。是春陵。

河滿子

無題

金是瀛

憶在金窗玉戶如銀曉月西斜。城角數聲。雨不住。暗香
攜得還家。梁上雙棲燕子。庭中一樹梨花。

醉太平

春思

曹溶

春筵未逢香箋轉工。羨他一院簾櫳。在桃花影中。鴛
衾曉空。屏山畫濃。有人閒倚牆東。代黃鶯喚儂。

長命女

春閨

李天馥

簾未啓。百合流蘇春睡美。玉導紅蕤委。聽殘銀虬慢
矢。炮盡金猊沉水。怕暖噀寒慵不起。嫌煞持衣婢。

柳枝

玉簾泉

江閨

半壁晶簾放未齊。故垂垂。浮空認作白雲歸。又還非。
當是仙靈營玉宇。將珠補。月明時候遇瑤姬。好爲衣。

昭君怨

元宵感事

吳綺

記得去年時節。爛醉紅燈白雪。今日又離家。見梅花。
無限西州舊事。獨剩江山如是。老却眼中人。奈何春。

對梅作

岳驥

昔歲匡廬踏雪去。歲吳閶問月。今歲恰歸家。對梅花。
道是香爐石鏡。又是錦帆香徑。清骨幾番寒。一般看。

偶感

周綸

寂寞舊家池館。人與落花俱散。繫馬画橋邊。恨綿綿。
心事倩誰排遣。除是熏香擘阮。沽酒醉還眠。夕陽天。

醉公子

顧太尉體

次顧夔韻

王士祿

梳篦朝來淡。羞對移春檻。斜倚綠牙屏。梨花小院局。
獨坐流光慢。遲日窺門限。蓬鬢亂雙蟬。心慵又一年。

步薛昭蘊韻

張杞

亂挽秋雲髮。懶步塵生襪。金鴨博山籠。啼痕兩線紅。
何限王孫處。白苧輕衫污。怕展曉屏開。關山入眼來。

少年

吳棠禎

垂鞭灞水曲。礪碗浮醪醖。還過武安家。開門紅杏花。
珠燈千騎遠。不記歸來晚。雙彈脫金丸。驚啼楊柳寒。

生查子

閨情

吳偉業

香爍合歡襦。花落雙文枕。嬌舄出房櫳。人在梧桐井。
小院賭紅牙。輸却蒲桃錦。學寫貝多經。自屑泥金粉。

旅夜

彭孫遹

薄醉不成眠。轉覺春寒重。枕席有誰同。夜夜和愁共。
夢好恰如真事。往翻如夢。起立悄無言。殘月生西弄。

豔情

周積賢

長安市上兒。白面如春雪。一賣綉鴛鴦。一賣花蝴蝶。
十二小胡姬。漫學同心結。回眼入瓊房。獨拜中秋月。

無題

蔣無逸

金韉出薊門。白馬嘶春色。回首鳳凰樓。片片愁雲隔。
三月小梅花。落徧陰山北。無數薄情人。盡作傷心客。

邊聲

成德

短焰別殘花。夜久邊聲急。未臥已聞雞。惆悵青綾溼。
天水接冥濛。一角西南白。忽憶浣花人。輕夢渾無力。

無題

東風不解愁。偷展湘裙衩。獨夜背紗籠。影著纖腰画。
蒸盡水沉煙。露滴鴛鴦瓦。花骨冷宜香。小立櫻桃下。

感舊

惆悵彩雲飛。碧落知何許。當日合歡花。今日相思樹。
揔是別離情。那待分明語。只合斷腸人。聽盡厭厭雨。

酒泉子

毛尚書體

無題

成德

謝却茶蘼一片月明如水。篆香消猶未睡。早鴉啼。嫩寒無賴。羅衣薄。休傍闌干角。最愁人。燈欲落。雁還飛。

春光好

和學士體

題扇寄王阮亭先生

宗元鼎

揚州好。綠楊城。画橋橫。城外橋邊池館短。長亭。亭上倚欄按板。亭前搖舫吹笙。都唱淡煙芳草句。浣紗聲。太平時。

鳳仙花

米漢雯

媚莖偏宜。屬內家。傍窗紗。團嬌簇豔。蝶如葩。數叢斜擣向玉罌。猩血綻一痕。霞閒情若賦。願爲他。近纖芽。

瑤華集卷二

點絳脣

十四首

女冠子

二首

醉花間

二首

春光好

一首

浣溪紗

五十五首

紗窗恨

一首

中興樂

一首

霜天曉角

五首

美人鬢

一首

減字木蘭花

十五首

卜算子

五首

添字昭君怨

一首

訴衷情

四首

後庭花

一首

采桑子

十九首

巫山一段雲

一首

天門謠

一首

菩薩蠻

二十八首

點絳脣

和漱玉

王士禎

水滿春塘柳綿又蘸黃金縷。燕兒來去。陣陣梨花雨。
情似黃絲歷亂難成緒。凝眸覩。白蘋青草。不見西洲路。

沛上懷古

曹爾堪

禾黍風清亂山高下供憑弔。龍吟虎嘯絳灌由屠釣。
轉眼興亡陵闕餘殘燒。誰能料。漢家遺廟。明月依然照。

村居

吳亮中

不合時宜此身只合孤村住。愁懷欲吐爭奈人難語。
污却琴書燕子吾嗔汝。蓮花嫵。一江新雨。茜草流紅乳。

酒後雷雨快風戲呈在座

王 屋

老子無知酒闌愛作英雄語。哀然自許稷契伊周侶。
慷慨淋漓意氣何軒舉。君看取疾風雷雨且濯今宵暑。

題画

計 敬

門枕長江半牀詩卷。千山雨密雲來去。兩岸模糊樹。

峭壁騰空自斷天涯路。歸潮怒吞吳激楚。隱隱蛟龍舞。

夜宿臨洛驛

陳維崧

晴髻離離太行山。勢如蚪蚪。稗花盈畝。一寸霜皮厚。

趙魏燕韓歷歷堪回首。悲風吼。臨洛驛口。黃葉中原走。

晚粧

董 含

燕語鶯啼困人天氣當初夏斜陽西挂樓上閒粧罷
漸漸黃昏露冷鴛鴦瓦銀蟾瀉花陰柳下笑撚水綃帕

夏景

朱茂暉

斜月朧明一庭芳樹濃陰睡綠荷擎蓋涼露琤琤碎
幾曲簾垂溼盡湘娥淚天如水亂螢飄砌着個人憔悴

紅橋

沈岸登

紅板橋西酒旗搖曳花村裏綠楊如薺兩岸疎籬綴
羅袖生涼簾影荷風細清歌起半篙秋水一抹平山翠

九日前有感

單昭儒

佳景良辰明朝幸喜題糕健碧濤拍岸領畧秋光半

終古興亡總作浮雲看。春風面。趙家飛燕。寒雨埋荒殿。

初夏

儲右文

憔悴心情春衫試。著腰圍。闌干閒凭。一碧疎簾靜。

那更東風落盡殘紅徑。波光映。空明如鏡。絮向娉婷影。

天竹子

陳枋

瘦影疎斜。紺珠萬顆。梢頭綴。天寒誰倚。莫是湘娥淚。

紅豆輪圓。比了櫻桃細。休閒擬。鳳凰餐未。那許鶯兒至。

湖上

釋正岳

來往煙波。此生自號西湖長。輕風小槳。盪出蘆花港。

得意高歌。夜靜聲偏朗。無人賞。自家拍掌。唱得千山響。

春陰

釋宏倫

玉笛丁寧落梅滿地愁無主。連宵風雨。魂夢都無緒。
野水平橋岸。柳迷煙縷。鶯無語。花廊月廡。一幅春寒譜。

女冠子

本意

錢芳標

藕絲霧縠。別是道家粧束。珮珊珊。看淡羞勻翠。唇輕懶。
注檀。鶴歸秋蘂散。蛩語夜香殘。賸有深閨月。焰松壇。

小店

朱彝尊

鶯簧軟語。小店槐陰無暑。索寒漿。一笑千金值。雙蛾半。
額長。愛他黃竹子。織就女兒箱。那得銀釭下。卷衣裳。

醉花間

送王古直還西湖

朱彝尊

愁君去送君去。君去西湖住。小閣鏡中懸。是月初生處。
羅裙芳草渡。一一鳴柔櫓。扶上七香車。長定門前遇。

春閨

吳綺

思時候。憶時候。時與春相奏。把酒囑東風。種出雙紅豆。
鴉啼門外柳。逐漸教人瘦。花影暗窗紗。最怕黃昏又。
春光好

秋千

王士禛

紅索軟錦旗平。蝶裙輕。一倍春光。照眼明。殢初鶯。人

是如雲如月天看非雨非晴
髣髴似聞花影裏墜釵聲
浣溪紗

村居

錢繼登

蟬避濃炎靜未譁東鄰伊軋響縑車
荳棚瓜架野人家
翠莢嫩堪浮茗氣黃雞肥欲待薑芽
閒搔短髮日西斜

無題

吳偉業

斷頰微紅眼半醒背人驀地下階行
摘花高處賭身輕
細撥薰爐香繚繞嬾塗吟紙墨欹傾
慣猜閒事爲聰明

閨情

曹溶

陌上髯蘇唱柳綿，載花須趁越江船。
惜春春去又今年，靜館碧樽閒客夜。
軟風紅葉恨人天，新來何處得新憐。

秋思

錢棟

針線牀頭懶去收，殘雲斷雁一時流。
西風做出許多愁，小鴨夢歸芳草岸。
亂鴉聲打夕陽樓，燈花夜夜伴香篝。

薄倖

夏完淳

柳色深深聽曉鶯，玉闌愁倚夢分明。
閒花斜落小釵橫。

蝴蝶前生原夜合楊花身後作浮萍。東風薄倖誤多情。

曉發見微雪

蔣耒修

驛口經行策騎先。曉山如霧籠朝煙。夜來寒透五更天。
高拂柳絲垂玉塵。輕沾草甲碎花鈿。暗將春色到梅邊。

送吳園次水部出守湖州

宋徵輿

蒼霄煙波百里平。碧瀾堂外柳雲輕。使君心似玉壺冰。
紅袖人喧桑岸綠。白頭翁舞釣竿清。看他竹馬向前迎。

又

三十年前泛小舟。朱顏人對白蘋洲。山山綠染西溪幽。
今日使君開郡閣。石尊亭上許重遊。釣徒原是醉鄉
侯。

晚景

玉浸寒泉一斛春。蘭幃浴罷晚粧新。瞥來燈下露全身。
素面粉銷纔是月。綠鬟梳直更如雲。藕花香氣藕絲
裙。

題仲芳画

錢繼章

捲起湘簾楚國天。蕭林獨坐意超然。興來潑墨研紅箋。

此景世間誰得似千重松栝百重泉只除靈隱寺門前。

苦雨

汪 膺

宿草酣花黯未收綠漪新漲赤鱗浮。柳綿欲下不成毵。
飛沫卷珠過水面溼煙拖雨上雲頭。多情強半爲登樓。

春閨

許承欽

薄暮輕寒上画衣。金爐一縷篆煙微。斷魂來去是耶非。
蛺蝶花間蛺蝶舞。杜鵑枝上杜鵑啼。今宵又恐夢魂稀。

春情

吳綺

南浦輕煙蘸碧波。西泠油壁少經過。瑣窗獨自画青蛾。
淚點漸同花片落。情絲長似柳條多。鏡中金翠奈春何。

春閨

王士禛

人去春光鎮可憐。梅花如雪落簷前。東風吹夢苦難圓。
睡淺只應垂玉筍。怨多不擬卜金錢。空庭微雨一燈
薦。

和張泌韻

王士禛

記得相逢亞字城。畱仙裙底步蓮輕。吳家小女字盈盈。

昔語似通還匿笑自成難去且徐行箇儂無賴可憐生

春閨

柳煖花寒雨似酥流鶯和夢覺來無東風料峭捲蝦鬚
欲覓瀟湘屏上路楚山如黛少雙魚口脂慵點鏡中朱

讀越絕書

杜濬

亘古誰家國不亾西村空自產無雙姑蘇臺後五湖航
漁父一橈存鄭國乞兒三戰報平王英雄到此却思量

春詞

丁 澎

疊疊巫山不是高。茫茫鄂渚未云遙。難挨惟有可憐宵。
兩意半含如荳蔻。寸心千轉似芭蕉。東風不管倩魂消。

又

紫陌珠駟挽碧絲。鷓鴣啼上海棠枝。香勾爭踏豔陽時。
樓上紅箏翻鷓子。影邊金勝鬧鵝兒。惱人忙處擲相思。

春閨

金是瀛

後院煙光春乍晴。金塘野鴨睡縱橫。玉籠鸚鵡語分明。

徑滿山花因雨漬。苔侵履跡少人行。倚欄垂袖沒心
情。

豔情

彭孫遘

睡鴨淒清夜未眠。銀荷低照象牀邊。七襄錦被八蠶綿。
皐厭細按統簾上。諾龍私貯綉襟前。玉郎長得玉人
憐。

別緒

鄒祗謨

何事連宵唱懊儂。雙垂斗帳綉芙蓉。淒清曉起怨征鴻。
水驛篷窗山驛店。夜程霜月曉程風。丁寧有限意無
窮。

贈伎

孫 鉢

蘭比風姿蕙比心。回樓人倦罷金針。霓裳一曲鼓瑤琴。
細小鶯聲愁雨滑。淡黃楊柳怕春深。靡蕪隨處悔教尋。

無題

姜 遵

描黛無心鎖鏡鸞。雀釵斜壓鬢雲殘。重門人靜意闌珊。
茜茜風來金屈戌。芭蕉雨過玉欄干。虛廊小立乍微寒。

暮抵香城寺

倪 燦

逐水尋幽路不窮。溪聲一徑入鴻濛。疎鐘遙度古城東。

野菊背開崩石下歸雲橫捲亂流中夕陽顏盡佛燈紅

寄蓀友

成德

藕蕩橋邊作釣翁披襟濯足碧流中江南好夢遶吳宮
蓉
況有短牆銀杏雨更兼小閣玉簫風画眉纔了画芙蓉

塞外

花
萬里陰山萬里沙誰將綠鬢鬪霜華年來強半在天涯
魂夢不離金屈戌画圖重展玉鴉叉生憐瘦減一分

欲別

折得長條欲別難
盈盈從此隔銀灣
天將離恨老朱顏
青雀幾時傳錦字
綠窗前夜剪春旛
愁他辛苦夢相
開

感舊

錢芳標

一霎韶容滅彩煙
六銖夜隔蔚藍天
嬌多原易損芳年
金蕙摘來無半箭
玉蟾沉去只初弦
從他薄倖也淒
然

閨情

黃泰來

淡淡衫兒葉葉輕
踏青鞋子昨初成
粧完無語立中庭

夜半小樓催杏雨曉來深巷賣花聲無端鶯語鬧清
明

春盡

王 紹

望去平林殘晚霞夕陽移影近簷牙杜鵑啼損杜鵑花
小石砌邊勻草甲曲闌干外散蜂衙春愁畢竟有些
些。

游仙

史惟圓

侵曉天門未啓關青鸞先到紫霄間眞官玉珮綴仙班
下土封章勤奏請玉皇恩許一生閒往來騎鶴駐名
山。

又

行盡神山到玉峰。峰頭秀削似芙蓉。飛泉如練挂長松。
碧眼紫髯何處客。閒來松下聽晨鐘。無人知是赤鱗龍。

又

絳闕千年白玉樓。詞臣供奉殿東頭。隴西長吉最風流。
更採江南腸斷句。素娥初向月中謳。一聲玉笛碧空愁。

又

聞道塵中有釣磯。隔江紅樹滿秋暉。草生空地沒雙扉。

飛
却厭海山無在處結廬欲向此中歸夜隨孤鶴掠波

又

玉女調絲弄苦篴無愁無怨動清商輕風吹起九霞裳
天姥親梳雲髻膩世人學画翠蛾長笑聲歸去月茫
茫

閨詞

萬樹

魚子蘭香曉露滋起來移近繡簾絲嫩黃初剪兩三枝
喚得雪兒教捧去葵花小合豆青菱謝娘剛在罷粧
時

味橘

陳維崧

秋染包山樹樹蒼高低斜綴絳紗囊西風飄過滿湖香
未免爲奴供飲噉微聞有叟話滄桑霜紅露白儘徇

祥

中二語用橘
奴橘叟事

又

髣髴輕軀十八娘生憎柑子道家粧石榴裂齒也尋常
劈罷春纖丹液冷傳來羅帕玉肌涼昨宵酒惡倍思

量

又

船入荆溪思豁然曾傳此語自坡仙擬將種樹遣蕭閒

今日亭臺無楚頌舊時煙雨暗吳天風流入去一十年。

投金瀨懷古

格格沙禽拍野塘離離苦竹上空牆投金瀨在漾斜陽
擊絮人纔憐伍員浣紗溪又產夷光英雄生苑紫紅粧。

春閨

曹堯武

回閣春眠貼繡茵起尋殘夢立香塵鬢邊山枕印纖痕
芳草有情憐蕩子落花無力戀愁人日長風細暗銷魂。

癸亥九日客閨里

陳枋

十里翻紅柿葉肥。一灣清淺魯城西。靈光不見亂鴉飛。
客路秋風驚落帽。昨宵寒雨淚征衣。轍環人也惜棲棲。

山居

陳聞

地僻村深竹影斜。小池新雨漲春沙。散分泉石到鄰家。
一曲晚風張緒柳。半溪殘月杜陵花。曉鶯啼夢破窗紗。

春思

臥看春風拂柳堤。起開金井乳鴉啼。秋千高與画樓齊。

簾控銀鈎和月捲馬拋玉勒趁風嘶夕陽芳草路萋
萋。

前題

陳維嶠

綠剪韓翃楊柳絲紅堆崔護小桃枝一春人在謝家池
事去已荒前日夢情多猶憶少年時江南紅豆百相
思。

閨情

馬翀

綠徧千山響杜鵑柳絲披拂燕翩翩可曾風雨似今年
蓮瓣一鈎春寂寞菱花七出曉嬋娟半垂紅袖撥沉
煙。

無題

姜光被

十二峰前是妾家。青牆宛轉曲闌斜。暖風時放小桃花。
樓外朝雲疑夢裏。門前春草接天涯。粧成獨去浣溪紗。

分手

郁大本

分手匆匆古渡頭。偷彈珠淚付東流。去隨春水遶郎舟。
夜月梨花江上館。曉風楊柳驛邊樓。繫人千里一絲愁。

送次山之濟上

蔣景祁

十里堤楊綠。未曾出渠春水泮。春水計君行。轍過曹滕。

三徑蓬蒿歸蔣詡。一襟湖海送陳登。寂寥佳節近燒燈。

春閨

閨秀 徐燦

金斗香生繞画簾。細風時拂兩眉尖。繡牀針線幾曾添。
數點落花紅寂寂。滿堤芳草綠纖纖。不須春病也慙慙。

和王夫人仲英韻

顧氏

百轉嬌鶯喚獨眠。起來慵自整花鈿。浣衣風日試衣天。
幾日不曾樓上望。粉紅香白已爭妍。悵條金嫩帶春煙。

春思

葉小鸞

紅袖香濃日上初。幾番無力倩風扶。綠窗時掩悶粧梳。
一向多情嫌刺繡。近來聊喜學臨書。鳥啼春困落花疎。

贈婢

葉純統

欲比飛花態更輕。低回紅頰背銀屏。半嬌斜倚似含情。
嗔帶淡霞籠白雪。語偷新燕怯黃鶯。不勝力弱懶調箏。

贈程村

林少君

麟篆知從九夜捫。詩王金誥佩隨身。映梅爭羨氣絢緼。

繡紙百番傳虎僕蒸雲千首動龍賓于今壇坫自推君

紗窗恨

答寇月韻

田茂遇

笛聲陣陣因風送。老天涯。一聲入破偏淒切。落梅花。
鵬盤處。千山黑。雪馬嘶。外。萬里黃沙。算春宵歸夢好還家。

中興樂

秋思

沈自炳

芙蓉池上露初涼。桐花月轉迴廊。秋滿蓮籌孤燈漏長。

夢入花庭。画牆見蕭娘。覺來枕畔玉釵猶響。無限思量。

霜天曉角

早秋放鶴洲池上作

朱彝尊

青桐垂乳。容易凝珠露。一縷金風飄落。添幾點豆花雨。
簾戶剪燈語。草蟲飛不去。坐愛水亭香氣。是藕葉最多處。

塞上

馮雲驤

亂山削壁。戍壘高千尺。風曳大旗紅捲。沙萬里看無極。
霜林寒鳥急。蕭條聞野笛。弔古李陵臺畔。金戈朽土。

花碧

梨花

陸進

花朝過了滿樹梨花白
偷惹幾分香氣映斜日
搖窗榻人懶無氣力
怯風難久立
渾似春愁一片天涯路悞
行客

秋怨

王宗蔚

銀河初捲簌簌新寒淺
欲剪行雲何處人去後
平蕪遠飛盡江南雁
水影紅樓面慣是一聲蘆葉又吹落
溪院

題采石磯蛾眉亭

閨秀
徐媛

雙巒鬪碧寒玉雕秋壁兩道凝螺天半橫無限青青色
拍岸濤聲急似鼓臨邛瑟窗下鏡臺鸞去空留得春
山跡

美人鬢

歌伎

沈謙

銀燈低照斜山綠催唱相思曲暗裏踢紅靴春寒夜轉
多嘈嘈箏板聲何急漫撚花枝說郎自要消魂魂消
莫恠人

減字木蘭花

秋夜概括唐人邊塞詩語爲詞 杜濬

陰山月黑雪滿弓刀行不得遠火星繁知是前軍保賀
蘭度遼年小三戍漁陽人已老無定河邊可有春閨
夢裏緣

又

一軍皆哭爲痛將軍功不錄醉臥沙場縱死猶聞俠骨
香交河夜戰吐谷生擒人共美異姓王尊天上封侯
印不論

又

將軍夜獵月色如霜沙似雪組練三千馳至洋河大戰
還軍城晝掩十丈紅旗風半捲殺氣橫雲那有春光

度玉門

又

黃榆白草六十秋來同輩少。昔逐輕車。今見明妃辭漢家。哀笳三奏無限塞鴻飛不透。地老天荒鐵石爲心也斷腸。

又

高高秋月下照長城。城下窟飲馬長鳴。馬渴還嫌戰血腥。君王神武駕馭英雄誰似虎。事過堪悲千載空知愧隴西。

留別阮亭家弟

王士禛

去年今月三日朔風天欲雪不憚衝寒舊約重來白板
船。今年今月回首西陵人又別無限離思車馬風帆
各自知。

重泊吳閶

魯 趙

錦帆行處繫艇當年垂柳樹漁火江楓霸業消沉向此
中。似曾相識煙寺晚鐘霜浦笛喚起離情知隔雲間
第幾程。

楊花

朱彝尊

楊花無緒不管人愁高下舞筆架書籤纔拓窗紗處處
結。東風語汝吹入謝家池閣去咏絮人間憑仗東風

忽自前

柳

金張

廉纖絲雨新水生時頻問渡
遮斷柴門縷縷殘煙自一村
夕陽欲沒兩個黃鸝啼不歇
吹面風斜春巷逢人賣杏花

客途

徐鉉

垂鞭欲暮踏徧天涯荒草路
削面西風昨夜濃香是夢中
遠山幾點牽惹離愁渾欲斷
衰柳鴉啼一片殘陽在客衣

暮冬雜咏

史惟圓

江頭赤羽杞國憂天何太苦袖裏戎韜誰與燈前問寶
刀三升濁酒躍馬臥龍今在否一綳芒鞋香雪無痕
移玉街

又

寄愁天上碧落青霄平似掌石破多時散作春簷夜雨
絲埋憂地下移却南山成曠野根蔓牽縈又逐郊原
春草生

秋夜夢爛溪別業

沈世漢

茅堂何處七十二溪深處是秋夜迢迢曾到當年舊板
橋西風瀾漫月落煙迷秋夢斷覺後依稀只見蘆花

滿釣磯。

上已後一日途次洧川

陳維崧

花紅草綠昨日濃春經阮曲碎雨零煙今日愁人過洧
川 三春去半半付郵亭和驛館溱洧潁潁上已無人
出采蘭

舟次見桃棗懷月陵

吳本嵩

蓬萊亦棗此行只爲游仙好度索甜桃差與尊鱸一解
嘲 工書嗜酒老子莊周稱益友臣與安期待宴西王
憶此兒

卜算子

秋夜

嚴沆

布被早寒輕燈盡光於水今夜應過昨夜長况未醺醺
醉檐外又西風吹徧庭槐墜敗葉虛窗舞到明那許
愁人睡。

旅况

陸進

爐內篆煙消砌下蛩聲歇竹影無端又惹愁此際情難
說人是別離人月是團圓月月照空庭人倚闌滿眼
飛黃葉

贈日者

任繩隗

何處有君平且向蛟橋肆日暮垂簾醉百錢一枕遊仙

睡。李廣不封侯，尹喜還爲吏。古往今來，不盡愁須汝。
壺中記。

送別

張台桂

已到別離時，那得多言語。酒似愁濃，醉不消芳草長亭暮。
江上幾重山，都在消魂處。但願伊心似我心，一任天涯去。

瓜步阻聞

陳維崧

風急楚天秋，日落吳山暮。烏桕紅梨樹，樹霜船在霜中住。
極目落帆亭，側聽催船鼓。聞道長江日夜流，何不流儂去。

添字昭君怨

夜泊鑾江

陳維崧

今夜月明江上綠，染吳天新樣萬家簾幙。火微明，佛狸城一點瓜洲玉杵。半笏金山雪透，亂帆颯颯響秋江。瀉銀瀧。

訴衷情

味蓮步

梁清標

猩紅弓樣試風流，貼地軟香浮。凌波巧籠纖筍，錦幄倍清幽。蓮折瓣，月微鉤。玉溫柔。苔痕池上，泥印花間，塵跡樓頭。

金陵春望

董元愷

秣陵衰草下牛羊。春風遶建康。一片降帆過眼。短笛倚
斜陽。君莫問。石頭岡。寢園荒。鐵鎖沉沉。金鳧寂寂。玉
樹茫茫。

秋柳

陸埜

勞勞亭畔最長枝。裊裊舞腰肢。春來不禁攀折。恨殺冶
游兒。搖落日。弄輕颺。鎖相思。嬾垂釣後。倦倚橈邊。獨
上樓時。

紅橋卽事

嚴曾相

芳菲自古說邗溝。晴日柳煙浮。樓臺望中。縹緲虹挂竹

西流花影碎。鳥聲柔。少年游。幾船簫鼓。數點青山。一片離愁。

後庭花

古意

朱彝尊

低鬟歛盡雲。歛仄粉香都拭。生憎桂帳秋蚊入。教郎輕
擘。紅藤細織。暹羅席。方花盈尺。冷波一任鴛鴦拍殘
夢無力。

采桑子

湖樓坐月

龔鼎孳

一湖風漾當樓月。涼滿人間。我與青山。冷澹相看看不等。

閒。藕花社榜疎狂約。綠酒朱顏放進。嬋娟今夜。紗窗可忍關。

席上有贈

空堦璧月團珠露。分外玲瓏。人是春風。吹得銀釭一片紅。水晶簾下深深見。畧要朦朧。萬事飄蓬。收拾繁絃急管中。

又

何來一串真珠滑。輕燕穿梭。點點清波。只在腰身轉處多。柘枝画鼓沉檀拍。鬧了銀蛾。生受睂窩。瘦到弓鞋窄窄羅。

又

樽前十日相逢。一夕分攜。人隔橋西。花不分明。月又低。偏生玉漏殘宵未。啞殺鳴雞。囑付深棲。錦燭濃香。索性啼。

又

相看百日晨連夕。只似初逢。何處罡風。吹落穠花豔月中。兩行箏笛千場酒。天放山翁。愁殺秋鴻。送到雲山一萬重。

贈徐木千

韋曲城南天尺五。花底春星。玉笛微停。唱到銷魂不忍。

聽。竝肩一刻濃香坐消受。亭亭分付流螢。莫遣銀燈
近画屏。

秋夜

曹溶

隔牆絃索無心聽。挑滅銀燈。暗憶平生。白髮蕭蕭酒易
醒。月華風定芭蕉冷。樓上三更。不住雞聲。一枕江南
夢不成。

送人尉嶺南用山谷韻

南天行去無霜霰。荔子枝繁。衙署封關。鶯語猿啼一樣
蠻。冬餘還有扶桑豔。日煖登山。古縣幽閑。游女新粧
卷鬢鬟。

隋堤

王士禎

隋皇昔幸東都日。錦纜迢遙鳳艑龍艘。剪綵宮中暮復朝。
琵琶忽唱安公子。紅炬煙消故國寒潮。一曲清江柳萬條。

秋閨

吳綺

西風不管梧桐葉。亂落秋光。跌碎斜陽。猶剩紗窗一半黃。
新寒陡入羅衣薄。睡盡殘釭。銷却餘香。昨夜南來雁帶霜。

題焦山僧房

孫枝蔚

老僧頭白焦山頂。不管興亡。安穩禪牀。臥對江南古戰場。

場。客來坐久渾無語。飯熟茶香歸路。茫茫水打空船。
月照廊。

無題

徐鉉

酒闌更憶年時事。徹夜歡娛。錦幙芳襦。須得春風一斛
珠。而今零落誰知道。夢見羅敷。帳冷衾孤。燕子雕梁
到也無。

秋思

陳維岳

白蘋紅蓼開秋岸。波上揚州。回首前遊。嗚咽江流無盡
頭。啼斑染透雙羅袖。新月如鉤。人去西樓。楓葉題詩
字字愁。

燕京早春詞

椒盤會赴春帆酌韶景初融春甕醅紅漬柏傳柑色色
濃騷人詞客連翩集刻燭詩工紙落如風字跡欹斜
醉墨中

初二日赴芝麓先生椒盤之集

又

他鄉此日驚人日客髣飛蓬簪燕釵中辜負年光麗景
中故園兄弟飄零甚回首東風小閣牋紅春草題詩
憶昔同

正月二十日接得緯雲弟京邸羅敷媚詞余亦
百感風生遂和其韻

陳維崧

今年明月無情甚。偏向江東。只照軍容。不放銀花萬樹紅。
鳳城飛下征南騎。一片刀弓。鐵甲呼風。愁殺思鄉沈侍中。

又

何人又唱安公子。漢苑煙濃。魏寢霜封。屹嶺蠻鄉一萬重。
雪消巴蜀添春水。誰駕艤艫。陡起魚龍。此夜橫江有阿童。

又

有人來自尙書臺。燕子樓中。紅粉成空。樹樹衰陽夜起風。
非公人盡嫌余懶。絮酒難從。疎散誰容。頭白羊曇

路已窮

哭令肥
夫子

丁零詞

成德

嚴宵擁絮頻驚起。撲面霜空。斜漢朦朧。冷逼氈帷火不
紅。香篝翠被渾閒事。回首西風。數盡殘鐘。一穗燈花
似夢中。

巫山一段雲

偶味

曹溶

蝶戲湘裙帶。花銜寶髻絨。潏潏粧閣乍相逢。斜黛爲誰
濃。婉步疑生月。嬌歌不耐風。寄情搖曳玉光中。休更
託春蔥。

天門謠

汲縣道中作

陳維崧

已過秋千節。看汲冢苔錢鋪纈。淇流咽。說古今興滅。
比千廟年年啼百舌。月與銅盤都缺。愁恨織。花落處棠
梨成血。

菩薩蠻

春閨

梁清標

亂鴉啼處春風曉。流蘇香煖金鈎小。晴影入窗紗。街頭
賣杏花。鴛鴦初睡足。偏墮雲鬟綠。拂鏡試新粧。低回
問粉郎。

閨曉

王士禎

春魂帶夢扶難起。玉欹翠弱慵難理。不用鬱金油。鬟雲
膩欲流。一雙羅襪瘦。小鳳嬌紅味。着罷立盈盈。蘭階
無限情。

有寄

斜穿脩竹林西路。淺春從此辭儂去。回首指庭梅。花時
妾再來。而今時已夏。芍藥都殘也。不見掌中身。空將
梁燕喚。

有贈

王士禎

斷紅雙臉看如黛。清辰小立闌干外。映柱送橫波。教人

無奈何。漫言常見面。似隔蓬山遠。掠髻道匆匆。春愁知爲儂。

塞上秋望

馮雲驤

龍沙落日山銜水。登臺悵望寒雲裏。獵騎返城西。秋風大將旗。飛蓬迷鳥路。白雁哀鳴去。絕塞易黃昏。孤城早閉門。

弔廢宮

槎牙雨過危牆倒。當年曾記珠樓好。鳥雀逐秋來。可憐歌舞臺。紅顏黃土化。玉椀埋寒夜。老木嘯天風。荒涼似夢中。

夢起

鄒祗謨

秦篝小炷銷宮餅。繡衾一疊文鴛冷。儂已不成眠。知伊更可憐。晨光生牖裏。曉幙長孤起。春夢太分明。關人半日情。

星軺驛曉發

顧貞觀

山城半夜催金柝。酒醒孤館燈花落。牕白一聲雞。枕前聞馬嘶。門前烏柏樹。霜月迷行處。還憶獨眠人。曉寒驚夢頻。

過露筋祠

王士禛

女郎遺蹟秦郵路。晚涼門外青楓樹。石竹響空祠。蕭蕭

三兩枝。可憐嗚咽水。斜日西風裏。那更感人情。估船
吹笛聲。

豔詞

蔣平階

瑞香毬子風前落。綉牀十指萌如削。拂局鬪龍牙。聲聲
出絳紗。倚闌尋豔耦。額上垂垂柳。隔坐眼相勾。橫波
入鬢流。

商霖臣納姬

毛奇齡

溝頭流水山頭雪。春江幾度迎桃葉。桃葉渡江來。江花
兩岸開。珍珠量幾斛。買得雙蛾綠。衫子綠於蛾。雙蛾
奈綠何。

閨詞

曹湖

月明不怕珠簾礙。半牀花影和衣睡。夢去復何爲。覺來
雙淚垂。繡帷春未曉。鳥語紗窗小。且莫怨東風。殘花
一半紅。

卽事

史惟圓

錦簷茸帽婆焦頂。堆金織翠攢花領。蔽膝綉鴛鴦。雙環
腰帶長。濃香薰半臂。紅頰凝煙醉。輕薄不成頑。調笙
半日閒。

又

画槌點盡花間鼓。三條絃上分明語。門外撼銅環。小窗

驚夢殘。手按紅杏瓣。拋向堦前滿。無計奈他何。嬌憨
情態多。

秦郵夜泊

董俞

秦郵城外湖千頃。煙蒲夜宿。鷓鴣冷。水面月痕生。東風
舴艋輕。望中青欲雨。貞女祠邊樹。酒釀燭花垂。一編
淮海詞。

樓上春

湯傳楹

垂楊解帶圍青閣。暖風微動金鈴索。燕子不知愁。銜花
故遶樓。璧車牽夢去。江草縈心住。酒困未全蘇。春光
一半無。

味三絃子

路鶴徵

粵蛇蛻老花紋緊。香檀紫桿文犀軫。桿狹枉難添。冰絲
只放三。輕攏慢撚處。纖手低相語。漱玉響哀湍。月華
裙上彈。

雨坐橫潭

金張

清明纔過稀花朵。寒生側側重綿裹。柳外雨濛濛。人家
綠水中。黏天芳草路。沒個歌船住。燕子溼烏衣。唧泥
何處歸。

夏閨

尤侗

一堦芳草茸茸綠。亂飛蛺蝶無人撲。欲摘小薔薇。嫌他

棘刺衣 晝長停繡譜。私共雙鬟語。心怯越梅酸。只將
纖手搏。

又

香蘭笑向銀屏吐。小蠻起作迴風舞。人靜綠紗空。美人
春夢中。簫聲催月白。柳帶籠煙碧。芳草滿江南。相思
一夜添。

大兀刺

成德

人生何事輕離別。一年幾度團圓月。楊柳乍如絲。故園
春盡時。春歸歸不得。兩槎空灘黑。恐雨下寒潮。精靈
恨未消。

水驛

荒雞再咽天難曉。星榆落盡秋將老。鹽幕遶牛羊。敲冰
飲酪漿。水程尋水宿。漏點清鈺續。正是晚香時。臨風
無限思。

小樓

錢曾

連天草色人何處。燈兒灸盡樓頭雨。怕得是黃昏。夜闌
空斷魂。荼蘼和夢謝。又是春歸也。衣冷覆香篝。孤眠
脉脉愁。

無題

朱彝尊

低鬟十八雲初約。春衫剪就輕容薄。彈作墨痕飛。折枝

花滿衣。羅裙百二摺。翠似新荷葉。小立斂風纔。移時
吹又開。

玉嶠夫子冒雨招遊紅橋至法海寺得晚晴梅
子衛瞻適至
蔣景祁

冥濛煙色天如醉。風光釀得真顚顚。何處踏餘春。招攜
三兩人。玉鈎斜畔月。幾度侵香骨。絲雨綠楊鶯。銷魂
画不成。

又

殘霞一縷湖邊寺。青銅鏡裏顏微醉。又是竹林人。翩然
折角巾。相逢搔短髮。此意明如月。惡板曼聲成。玉樓

何處箏

迴文

陳枋

繞廊花影橫庭小。小庭橫影花廊繞。雲底月鱗鱗。鱗鱗
月底雲。者邊儂坐夜。夜坐儂邊者。衣上暗風微。微風
暗上衣。

秋景

閨秀

葉小鸞

池塘碧浸芙蓉面。蓮房怨粉驚團扇。何處一聲聲。隔溪
歌采菱。輕雲流影急。秋入平蕪色。塞雁幾曾還。一江
煙水寒。